

مستطاب القلم

۱۳۲۶

درسهادنده باب عالی جاده سنده
اداره مخصوصه
محل اداره :

انظار :
مسکرمزه موافق آثار جدیده مع المنونیه
قبول اونور
دروج ایلهین آثار اعاده اولغاز

دین ، فلسفه ، ادبیات ، حقوق و علوم دن باحث هفته لوق رساله در

مؤسسه لری : ابوالعلا زین العابدین - ح . اشرف ادیب

سنه لکی	۶۰	درسه دنده
القی آیانی	۴۰	ولایاتده
	۴۰	مملک اجنیه ده

تاریخ تاسیسی :
۱۱ نمرز ۳۲۴

درسهادنده نسخه بی ۵۰ پاره در

قبرله دن مقوا بورو ایله کوندر پیرسه سنوی
۲۰ غروش فضله آلنیر

درسهادنده بوسته ایله کوندر پیرسه ولایات بدلی اخذ اولنور.

ایکنجی جلد

۱۰ ربیع الاول ۳۲۷ پنجشنبه ۱۹ مارت ۳۲۵

عدد : ۳۲

دنیا به باشقه بز باب الهی دولت آچلدی . مستواوه کلمه ، عدالت محضه ، حریت انسانیه ، حقیقت الهیه هپ تظاهر وتأسس ایتدی ؛ علوم ومعارف ، صنایع وتجارت ، زمانه کوره حد غایه به یاقلاشدی .

ایشته بواک بویوک ، اک جدی ، اک بقادار اثر وحید عالینک صاحبی اونبی ذیشان صاحب عرفاندر . مکارم اخلاقی ملوک وسلاطینی دوشوندورن وکوچولتن بوذات اشرف واجلک لیه؛ مبارکه تولد لیدرکه الآن یاد واعاده اولونیور . بویوم تاریخی ، عالم وسیع اسلامیتهجه اک بویوک بر بیرام کونی اولسه لایقدر . بوکونده بوتون مسلمانلر عارف حقیقت انسانیه اولدقلرینی بربرلرینه تبشیر ایتکله سونینسلر سزادر . چونکه الیمین وابدی سوزلر واک آچیق حقیقتلر بوکونک مولود یکتای کلی اولان اوپیغمبر ذیشانندن صدور ایتمش ، و او واسطه ایله تلقین ایدلشددر .

نور نظرامعان اولان بوذات معالی صفاتک اوصاف جلیله ومزایای سنیه هایونلردن بحث کوچدر . بوخصوصده تاریخ اسلامک مدار فخری اولان بیکارجه علما ، بیکارجه اثرلر یازمشلردر . هرسوزی برحکمت بالغه . هر حرکتی برعلویت غیر مسبوکه اولان نبی حکیمیز افندمزک دوغدقلری کونی ویا کیجه بی ذوق وجدانه عائد برصمیمیت روحیه ایله حس ایتک ، ظنمجه اک کوزل برراسمه خلوص واحترام ، اک صاف وحقیقتپرور برنشانه تکریمدر . علیه افضل الصلاة .

مهر ، علی معاد



کرید

ای مزارلردن درین یوکسک زمین انحطاط ،
ای جزیره ، ای مزار ، ای مقبر دریا محاط ؛

هریرک برحفره در آچمش دهان کینی !
یوتق ایستر ملتک آتی نورا کینی !

اسکلتر ، طیفلر منظوردر سندن بکا ..
کریه نردن ، آهلردمی ایدلشسک بنا ؟

پک قراکقسک — نیچون ؟ — ماتم دینن شی سنمیسک ؟
سوزش جسمک ندر ، برمشعل مدقمیسک !

نعش پارجامیسک ، برسر نکون تربمیسک ؟
نطقه کلش برخیالت ، طیف بر نکتمیسک ؟

فاجعات ایراد ایدرسک ، ناقل افسانهسک ..
موت هائل ، مقبر مظلومیسک ، آکلات نهسک !

برکونشسک ، نورینک ماضیلر اولمش مغربی ؛
قبره نازل ، موته مائلسک قراکقلر کبی !

بیلدیرمیوب کیجه لین کیزلیجه نبی المصطلق یوردینه کیر ، انلرده شعائر و آداب اسلامی مرعی کوررسنهک زکاتلرینی آل . یوقسه اهل ارتداد حقنده اوله جق معامله بی اجرا ایت . خالد بن ولیدرضی اه عنه حضرتلری امر پیغمبری اوزره حرکت ایدرک وقت غرویده نبی المصطلق یوردینه داخل اولدی . عسکر یله برلکده مخفیجه بریره قوندی . عشیرتک الحوائی تدقیق وتفحص ایتدی . اقشام ویاتسو اذانلرینی ایشندی . سائر حاللرینه مطلع اولدی . امر الهی به مخالف کندیلرنده برحال و حرکت کورمدی . بونک اوزرینه زکاتلرینی اخذ ایدوب عودت ایلدی وحضور نبوی به واقعه حالی ومشهوداتی عرض ایلدکده بوآیت جلیله شرف نزول ایتدی .

برکت زاده : اسماعیل رفی



مولدالنبی علیه الصلاة والسلام

مولدالنبی کونندن مقصد ، پیغمبر ذیشانمیز افندمزک دنیایی تشریف بو یوردقلری یوم سعادتدر . استانبولده . وترکار بیتنده (قدیل کیجه سی) دیه یاد اولسان ، ربیع الاول آینک اون ایکنجی کیجه سی . دین مبین اسلامک عالم انسانیه مبلغ صادق وامینی اولان مجمع مکارم اخلاق ، حضرت سیدالاسیاد افندمزک دوغدقلری لیه؛ مبارکه مهمه در .

تاریخ نقطه نظرندن بو حادته تولد ، دنیانک اک بویوک واک صاحب سطوت وعظمت هر هانکی شهناشه جهانگیرینک ، ویا صاحب جاه ایمراطورینک یوم میلادندن دهام مهم ، دهاپک چوق معیندار بروقعه عظیمه انقلابات وکالاتدر . اوله که بوذات جلیل الصفات عدالتپرورک بالاخره مظهر رتبه نبوت اوله لردن ، قبالی چوللرده وحوش کبی یاشایان ، اصنامه طابان ، ادعای شهامت و اظهار تعصب وشجاعت ایله یین ، بیلدیرکندن کوردیکندن ذرهجه شاشمایان ، جسور ، عنود ، جاهل ، وحشی ، محارب ، بر قومدن صحائف تاریخ عالمه نیجه شان وشهرتله انتقال ایدن مدنی ، متدین وحقیقت بین ، معتدل وحق شناس ، عالم ، متمدن ، شجیع ومتحمل ، صادق ومخلص بر بویوک امت یتشیدردی . نشر ایلدیکی نور حقیقت ، نور حقیقی انسانیت اولدینی ایچون او کوچوک قبیله؛ قریشدن شامه ، یمنه ، عراقه ، هنده ، افغانه ، چینه ، مصره ، اندلسه ، وخلاصه چار اقطار عالمه خطوط زرین شعاعی طبق تنویر عالم ایدن برکونش کبی یایلیدی . بونوردن علما ، فضلا ، حکما ، فلاسفه اسلام استفاضه ایتدی ؛ میدانه چیقیدی . عدالت او سایهده یرلشدی ...

دنیا دکشدی ، شرقک نور فیضا فیض لاهوتیسی جهانی طوتدی . کتابخانه عرفان آدم ، علوم ایله طولدی طاشدی . اوله که لسان بلاغت باشقه بر حقیقت نوظهور ایله تکلمه ، وجدانلر اک یوکسک حسیات ایله تفهمه ، انسانلر بیلنمز بر صفای معنوی ایله تعالی به مظهر اولدیلر . سعی وغیرت ، عزم وهمت ، رفاه وسعادت ، عفت وعزت بر کورونمز افق لایتناهی به دوغرو وسعت بولدقجه بولدیلر !

جامعلر طلبه ایله ، بلدملر علم وادبله مالامال فیوض اولدی .